

增注類證活人書卷十六

白虎

國

此一卷載雜方大率仲景證多而藥少使皆如仲
景調理既正變異不生則麻黃桂枝青龍用之而
有餘以後世望聖人難矣仲景藥方缺者甚多至
如陰毒傷寒時行溫疫溫毒發斑之類全無方書
今採外臺千金聖惠金匱玉函補而完之凡百有
餘道以證合方以方合病雖非仲景筆削然皆古
名方也譬猶周易叅同華嚴合論步驟馳騁不外
乎聖人之意又况俗學久矣一旦革之悉用古法
卽陽春白雪復生謗毀適足以杜絕治法今撥歸

經絡裁減湯劑參以雜方庶幾庸人易曉日就月將辛甘發散酸苦湧泄之術行卽俗方不革而自寢矣此余所以載雜方之意也又况五積散敗毒散升麻湯萎蕤湯之類縱治不對病用之或差亦無所害載之卷末以俟采擇

升麻湯一治傷寒中風頭痛憎寒壯熱支體痛發熱畏寒鼻乾不得睡兼治小兒大人瘡癰已發未發皆可服兼治寒暄不時人多疾疫乍暖脫着及暴熱之次忽變陰寒身體疼痛頭重如石者

升麻

白芍藥

甘草

炙

乾葛

各等分

右剉如麻豆大每服五錢以水一盞半煎至八分
去滓溫服若大段寒卽熱服若熱卽溫服瘡疹亦
准此服藥已身涼止藥小兒量度多少服如老兒
喫去芍藥加柴胡一兩人參半兩雪白芍藥一分
防風白朮牡蠣湯二治發汗多頭眩汗出筋惕肉瞤
防風獨莖者牡蠣粉炒黃白朮等分
去蘆頭

右搗羅爲細末每服二錢以酒調下米飲亦得日
進二三服汗止便服小建中湯

李根湯三治氣上衝正在心端

半夏湯洗半兩

當歸一分

芍藥一分

茯苓一分

桂枝一兩

黃芩一分

甘草炙一分

甘李根白皮二合

右剉如麻豆大每服抄五錢匕生薑四片水一盞半煎至八分去滓溫服

大橘皮湯四動氣在下不可發汗發汗則無汗心中

大煩骨節疼痛目運惡寒食則反吐穀不得入先服

大橘皮湯吐止後服小建中湯

橘皮一兩半去白

甘草炙半兩

人參一分

竹茹半升

右剉如麻豆大每服五錢生薑四片棗子一枚以

水二鍾煎取一盞去滓分二服

橘皮竹茹湯

五

治噦逆

橘皮

二兩

竹茹

一升

甘草

二兩

人參

半兩

半夏

一兩

右剉如麻豆大每服五錢生薑六片棗子一枚以

水二大盞煎至一盞去滓溫服日進三服

生薑橘皮湯

治乾嘔噦若手足厥冷者

橘皮

四兩

生薑

半斤

右剉如麻豆大水七盞煎至三盞去滓溫服一盞

陰旦湯 六 治傷寒肢節疼痛內寒外熱虛煩

芍藥 二兩

甘草 二兩

乾薑 三兩

黃芩 三兩

桂 四兩

右剉如麻豆大每服抄五錢棗二枚水一盞半煎至八分去滓溫服日三夜二

陰毒甘草湯 七 治傷寒初得病一二日便結成陰毒

或服藥六七日已上至十日變成陰毒身重背強腹

中絞痛咽喉不利毒氣攻心心下堅強短氣不得息

嘔逆唇青面黑四肢厥冷其脉沈細而疾仲景云此

陰毒之候身如被杖喉咽痛五六日可治至七日不

治

甘草 炙

升麻

當歸 各二分

雄黃 一分

桂枝 去皮 二分

驚甲 一兩半 醋炙 秤

蜀椒 一分 出汗 開口 者及子去之

右剉如麻豆大每服抄五錢匕水一盞半煎至八

分去滓服如人行五里頃更進一服溫覆取汗毒

當從汗出汗出即愈若未汗再作

白朮散 八 治陰毒傷寒心間煩躁四肢逆冷

白朮 一兩 細辛 一兩

附子 一兩 炮去 皮臍用

桔梗 一兩 去 蘆頭 乾薑 半兩 炮 製剉 川烏頭 一兩 炮裂 去皮臍

右件藥搗爲細末每服二錢以水一中盞煎至六分不計時候稍熱和滓頓服

附子散

九

治陰毒傷寒唇青面黑身背強四肢冷

附子

三分炮裂去皮

桂心

半兩

當歸

半兩剉微炒

乾薑

一分炮裂剉

半夏

一分湯洗七次去滑

白朮

半兩

右件搗篩爲細散每服三錢以水一中盞入生薑半分煎至六分去滓不計時候熱服衣覆取汗如人行十里未汗再服

正陽散

十

治陰毒傷寒面青張口出氣心下硬身不

熱只額上有汗煩渴不止舌黑多睡四肢俱冷

甘草一分炙微赤剉

附子一兩炮裂去皮臍

麝香一錢細研入

乾薑一分炮裂剉

皂莢一挺去皮塗酥炙令黃色去子

右件搗羅爲細末每服二錢以水一中盞煎至五

分不計時候和滓熱服

肉桂散十一治傷寒服冷藥過度心腹脹滿四肢逆

冷昏沈不識人變爲陰毒

肉桂三分去皴皮

赤芍藥一兩

陳橘皮一兩

前胡一兩去蘆頭

附子一兩炮裂去皮臍

當歸一兩

白朮三分

高良薑三分剉

人參一兩去蘆頭

吳茱萸半兩湯浸

厚樸三分去皮薑汁炙令香熟

木香三分

右件搗爲粗末每服四錢以水一中盞八棗子三枚煎至六分去滓不計時候稍熱頻服

回陽丹十二治陰毒傷寒面青手足逆冷心腹氣脹

脉候沈細宜此治之

硫黃

半兩細研入

木香

半兩

萆澄茄

半兩

附子

半兩炮裂去皮臍

乾薑

一分炮裂剉

乾蠍

半兩

吳茱萸

半兩湯浸七遍焙乾微炒

右件藥搗羅爲細末酒煮麪糊爲丸如梧桐子大

每服不計時候以生薑湯下三十丸頻服三服復

以熱酒一盞投之以厚衣蓋取汗

返陰丹

十三

治陰毒傷寒心神煩躁頭痛四肢逆冷

硫黃

五兩

太陰玄精石

二兩

硝石

二兩另研用

附子

炮裂去皮臍去

乾薑

炮裂

桂心

已上各半兩

右件藥用生鐵銚先鋪玄精末一半次鋪硝石末

一半中間下硫黃末又着消石蓋硫黃都以玄精

蓋上訖用小蓋合着以三斤炭火燒令得所勿令

煙出多急取瓦盆合着也面四向着灰蓋勿令煙

出直候冷取出細研如麪後三味搗羅爲末與前

藥同研令勻用軟飯和丸如梧桐子大每服十五

丸至二十丸煎艾湯下頻服汗出爲度病重則三

十丸此方甚驗喘促與吐逆者入口便住又服此
方藥三五服服之不退便於臍下一寸灸之須是
大段日夜不住手灸不限多少壯數灸之仍艾炷
勿令小小則不得力若其人手足冷小腹硬卽須
更於臍下兩邊各一寸各安一道三處臍下灸仍
與當歸四逆湯并返陰丹亦須頻服內外通透方
得解退若遲慢卽便死矣又若是陰證加以小便
不通及陰囊縮入小腹絞痛欲死者更於臍下二
寸石門穴大段急灸之仍須與返陰丹當歸四逆
加吳茱萸生薑湯慎勿與尋常利小便藥也尋常

利小便多是冷滑藥此是陰毒氣在小腹所致也
世有醫者見小便不通用炒鹽及裏熱藥於臍
下便熨欲望小便通緣陰氣在小腹之間致被熱
物熨着无處出得即便奔上衝心往往有死者
天雄散十四治陰毒傷寒身重背強腹中疴痛咽喉
不利毒氣攻心心下堅強短氣嘔逆唇青面黑四肢
厥冷其脉沈細而疾

天雄一兩炮裂
去皮臍

麻黃半兩去
根節

當歸半兩切
微炒

白朮半兩

肉桂一兩去
粗皮

半夏半兩湯泡洗
七次去滑

陳橘皮

三分湯浸去白瓢炒

乾薑

三分炮

川椒

一分去目及閉口者微炒去汗

厚樸

一兩去粗皮塗生薑汁炙令香熟

右件藥搗爲粗末每服五錢以水一大盞入生薑

半分棗子三枚煎至五分去滓不計時候稍熱服

不如人行十里未汗再服

續添

正元散

退陰散

出百問方

正元散治傷寒如覺傷寒吹着四肢頭目百骨節

疼痛急煎此藥服如人行五里再服或連進三服出

汗立差若患陰毒傷寒入退陰散半錢同煎或傷冷

傷食頭昏氣滿及心腹諸疾服之無有不取效者

麻黃

去節

陳皮

大黃

生用

甘草

炙

乾薑

炮用

肉桂

去皮

芍藥

附子

炮去皮用

茱萸

湯洗焙炒

半夏

洗各等分

右麻黃加一半茱萸減一半同爲末每服一大錢
水一盞生薑三片棗一枚煎至七分熱服如出汗
以衣被蓋覆切須候汗乾去衣被如是陰毒不可
用麻黃免更出汗

退陰散 治陰毒傷寒手足逆冷脉沈細頭痛腰重
連進三服小小傷冷每服一字入正元散內同煎入

鹽一捻陰毒傷寒欬逆煎一服細細熱呷便止

川烏

乾薑

各等分

右爲粗末炒令轉色放冷再搗爲細末每服一錢水一盞鹽一捻煎半盞去滓溫服

葱熨法

十五

治氣虛陽脫體冷無脉氣息欲絕不省

人及傷寒陰厥百藥不效葱以索纏如繩許大切去根及葉唯存白長二寸許如大餅燄先以火熨一面令通熱又勿令灼人乃以熱處搭病人臍連臍下其上以熨斗滿貯火熨之令葱餅中熱氣鬱鬱入肌肉中須預作三四餅一餅壞不可熨又易